

1738.

Qvod Deus benè vertere jubeat!

20. #

Ex PHYSICA

THESES MISCELLAS

SUB PRÆSIDIO

Plurimum Reverendi, Amplissimi & Excel-
lentissimi

DN. CONSTANTINI Stiegra /

S.S. Theol. Lic. & Phys Prof. P. celeberrimi, Collegii
Philos. p.t. Decanī Spectatisimi

Dn. Præceptoris, Fautoris, ac Patroni sui omni obser-
vantia venerandi,
publicæ collationi exponit

M. MICHAEL VVALTHERUS;
Auricâ-Frisius.

Ad d. XV. Februar,

In Audit. Majori, Horis antemer.

WITTEBERGÆ

Typis JOHANNIS RÖHNERI, Academ. Typogr.
Anno M DC LX.

Hist. nat.

A.

520,55

— Theses phys.

THESIS I.

Scientia in Definitione Physicæ non pro doctrina,
quæ constet ex præceptis homogeneis naturam bene
explicantibus, sed pro habitu demonstrativo sumi-
tur. Falsus igitur est David Gorlæus in Id. Phys. cap. i. §. 2.
II.: Idem ille cap. II. §. 9. & 10 absurdè probare conatur,
qvod sicut Angeli habent essentiam simplicem spiritua-
lem, qvæ non componitur ex aliqua materia & forma,
sed per se ipsam est id qvod est, & sub certa substantiæ
specie constituitur, ita & corpus naturale habeat simili-
cem essentiam corpoream, qvæ non componatur ex es-
sentialibus partibus, sed per se ipsam sit id qvode est, &
sub certa substantiæ specie constituantur.

III. Struthio consumit ferrum in stomacho non per
calorem, sed abditam qvandam proprietatem, uti recte
disputat Cæl. Rhodiginus lib. XVI. antiquar. lect. cap. XI.

IV. Cui & virtus Echeneidis modò in rerum natura
detur, qvo de dubitant multi, imò negat Athanas. Kir-
cherus lib. 3. art. magnet. part. 6. cap. 2. §. 3.) adscribenda
videtur. Qvanquam nos non fugiat, qvod Rondeletius
de pisc. mar. lib. XV. cap. XVIII. & post hunc Gerard. Joh.
Vossius lib. IV. de Orig. & progr. Idolol. cap. XII. existi-
met, effectum hunc provenire à natura gubernaculi, cui
se applicet Echeneis, atq; nunc destrorum, nunc fini-
strorum se moveat.

V. Per qualitatem occultam meritò etiam explicā-
mus miram magnetis virtutem. Qvanquam glorietur
Tating-

Tatinghoff in Clav. phil. nat. cap. 7. q. 2. eandem per principia Philosophiae Cartesianaæ jam tum manifestam redditam esse.

VI. Tenebræ nudam dicunt privationem luminis. Unde iterum absurdus est Gorlaus, existimans, tenebras esse quid reale, ac ipsum est lumen, ut, sicut hoc est species visibilis lucis, ita & tenebræ sint species visibiles corporum opacorum.

VII. Nec minus ineptè Aerem, ut de igne taceam, excludit idem è numero Elementorum.

IX. A Chymicis verum aurum produci posse testatur experientia plurimorum, Raymundi Lullii, Pharmacopœ Tarvisini, Paracelsi &c. Qvin & Cornelius Agrippa se illud facere posse ait, lib. I. de Occulta Philosoph. cap. 13.

X. Sensum sine mente esse non posse ineptè probare nititur Gometius Pereira, Philosophus ac Medicus Hispanus, in opere triginta à se annis elaborato, quod Antoniam Margaritam inscripsit. Unde rectè refutatur, licet suppresso nomine, à Fr. Vallesio lib. de Sacr. Philosoph. cap. LV. p. 318.

X. Contra distinctionem potentiarum ab anima maleurgent nonnulli, quod inde sequatur animam rationalem esse compositam ex subiecto & accidente, atq; per consequens unum per accidens.

35 (:) 58
¶